

Istraga u Sanskom Mostu

OHR vjeruje da je u svim slučajevima u kojima se navode ozbiljne optužbe o zlouporabi javnih sredstava, kao što su optužbe podignute protiv administracije gradonačelnika Sanskog Mosta Mehmeda Alagića u najboljem interesu svih da se takve optužbe potpuno, pravično i hitno ispituju.

OHR je ohrabren aktivnostima koje su na pokretanju istrage o ovim slučajevima do sada poduzeli općinski tužitelj u Sanskom Mostu Suad Šabić i predsjednik općinskog suda Adil Draganović, kao i kantonalni tužitelj Unsko-sanskog kantona Asim Džafić.

Međutim, zabrinuti smo činjenicom da se prijeti izvjesnom broju zvaničnika koji obavljaju javne dužnosti i koji su uključeni u istragu ovih optužbi, kao i da se na njih vrši pritisak kako ne bi obavili svoj posao.

OHR osuđuje sve pokušaje da se nositelji javnih dužnosti onemoguće u provođenju svake neovisne istrage, s obzirom da se prema vladavini zakona od nositelja javnih dužnosti zahtijeva da moraju biti u mogućnosti da svoju službenu dužnost obavljaju bez ometanja.

Nastavit ćemo pažljivo pratiti situaciju u Sanskom Mostu i pozivamo sve da poštivaju vladavinu zakona.